

**KJKP "RAD" d.o.o. SARAJEVO**  
**-DIREKTOR-**  
**Broj: 05-03-04-\_\_\_\_\_ /17**  
**Sarajevo, 21.06.2017. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 40. Statuta KJKP "RAD" d.o.o. Sarajevo, direktor donosi

## **ODLUKU**

**o rezultatima okončanog postupka izbora najpovoljnijeg ponuđača za nabavku točkova za kontejnere**

### **I**

Za najpovoljnijeg ponuđača za nabavku točkova za kontejnere, odabiram ponudu firme "GRAFIKON" d.o.o. Sarajevo

## **OBRAZLOŽENJE**

KJKP"RAD" d.o.o. Sarajevo je dana 18.05.2017. godine na portalu Agencije za javne nabavke objavilo obavještenje o nabavci br.83-1-1-251-3-48/17 putem otvorenog postupka, a koje se odnosi na **nabavku točkova za kontejnere**. Postupak je objavljen u Službenom glasniku dana 29.05.2017. godine. Krajnji rok za dostavu ponuda je 07.06.2017. godine.

Po postupaku za izbor najpovoljnijeg ponuđača za nabavku točkova za kontejnere pristigle su četiri (4) ponude i to ponude firmi : "SENIGOR" d.o.o. Sarajevo (br. 272-06-32/17), "GRAFIKON" d.o.o. Sarajevo (br. 051/17), "T&A AUTO " d.o.o. Visoko (br. 048-06/17) i "SKING TRADE" d.o.o. Sarajevo (br.01).

Sva četiri ponuđača su uredno preuzela TD sa portala Agencije za javne nabavke .

Detaljnou analizom dostavljenih ponuda, Komisija za nabavku je utvrdila da se Potvrda o urednoj realizaciji Ugovora ponuđača "SKING TRADE" d.o.o. odnosi na čelične proizvode, a ne na točkove za kontejnere koji su predmet nabavke. Dalje, tehničke karakteristike ponuđenih točkova ne odgovaraju traženim karakteristikama i to dimenzije provjesa kao i veličina ploče. Komisija za nabavku smatra da bi ponuđene dimenzije provjesa dovele do oštećenja guma na točkovima . Ponuđač nije dostavio atest o kvalitetu točkova prema normative EN 12532 već je dostavio certifikat EN 840-5 koji se odnosi na zahtjeve izvedbe i testiranja.Tačkom 25. TD traženo je da ponuđači trebaju **parafirati sve listove Nacrta ugovora /Okvirnog sporazuma** , a što Ponuđač "SKING TRADE" d.o.o. nije učinio.

Ponuđač "SENIGOR" d.o.o. Sarajevo je dostavio kopirane potvrde o urednoj realizaciji ugovora iako je tačkom **13.3. TD trženo da navedeni dokumenti ne smiju biti stariji od 3 mjeseca računajući od trenutka dostavljanja ponude. Dokazi koji se zahtjevaju moraju biti originali ili ovjerene kopije.** Takođe kod ovog Ponuđača veličina ponuđene ploče u Tehničkoj specifikaciji odstupa u pogledu zahtjevanih dimenzija . Stranice Ugovora i Okvirnog sporazuma su popunjene ali nisu parafirane kako je traženo TD. Atest koji je dostavio Ponuđač odnosi se na proizvođača, a ne na proizvod.

Ponuđač "T&A AUTO "d.o.o. Visoko nije dostavio atest o kvalitetu točkova prema normative EN 12532 već je dostavio certifikat EN 840-5 koji se odnosi na zahtjeve izvedbe i testiranja .

Ponude ovih ponuđača ocijenjene su kao nepotpune i neprihvatljive te nisu uzete dalju proceduru i razmatranje.

Ponuda ponuđača "GRAFIKON" d.o.o. Sarajevo (br. 051/17) je potpuna i prihvatljiva.Vrijednost ponude iznosi 16.445,00KM bez uračunatog PDV-a. Uslovi plaćanja su 60 dana.

**Ponuđač je dužan u roku od pet (5) dana od prijema Odluke o izboru najpovoljnijeg ponuđača dostaviti dokaze o ispunjavanju uslova iz člana 45. stav (1) Zakona o javnim nabavkama ("Službeni glasnik BiH", broj 39/14), za koje je dostavio Izjavu u formi i na način koji propisuje Agencija podzakonskim aktom.**

Obzirom da se radi o otvorenom postupku javne nabavke gdje se namjerava zaključiti okvirni sporazum sa jednim ponuđačem, da je broj potpunih prihvatljivih ponuda jedan (1), cijeneći cijene i kretanja na tržištu kao i budžet Ugovornog organa određen za nabavku predmeta javne nabavke, Komisija za nabavku predlaže da se ponuda ponuđača "GRAFIKON" d.o.o. Sarajevo prihvati. Ponuđač je dostavio svu potrebnu dokumentaciju i ponudio cijenu od 16.445,00KM bez PDV-a, rok isporuke sedam (7) dana i uslove plaćanja odgođeno 60 dana.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

**DIREKTOR KJKP „RAD“**  
**Selim Babić dipl.ing.grad.**

**PRAVNA POUKA:**

Protiv ove Odluke može se uložiti žalba Ugovornom organu, odnosno KJKP"RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**DOSTAVITI:**

- Ponuđačima;
- Direktor;
- Komercijalnoj službi;
- a/a